

# Era istòria de Pastoret

Nòm:

Grop:

**Ua idea eficaça siguec era origina deth neishement d'ua empresa que combine tradicion, innovacion e tecnologia enes sòns productes lactics.**

Era istòria de **Pastoret** comence er an 1992 en un petit pòble dera Segarra, Sant Guim de Freixenet, quan era mair dera familia Pont elaboraue *mató* (colat, en aranés) damb er excedent de lèit que sobraue des crabes. Eth sòn hill, Xavier, volec entrar en negòci e ajudar as pairs. Dada era bona acuelhuda des sòns productes de grana qualitat se desvelhèc er esperit emprenedor dera familia.

En conseqüència, deishèren era codina de casa a on trabalhauen entà montar un petit obrador en madeish pòble e atau poder atier era demanda creishenta de productes. Ath delà deth mató comencèren a elaborar iogurts artesanans.

D'uns inicis modèsti damb 25 crabes, ua bona idea de profitament dera lèit, ues installacions senzilhaes e talents de hèr productes exquisits tà satisfèr as clients, eth Pastoret a evolucionat as fabriques mès modèrnes d'Euròpa. Aué en dia compde damb es paramètres mès exigents tà melhorar es procèssi de produccion e tractament dera lèit, e mantier es metòdes d'elaboracion artesanau.


Eth Pastoret unís tradicion, tecnologia e innovacion, era combinacion idonèa tà obtier productes leitèrs originaus en sabors, textures e presentacion. Eth sòn desir ei crear productes extraordinaris e capables d'introducir eth plaser gastronomic en mon deth iogort. En sòn blòg presenten recèptes diferentes e atrevides des sòns productes amassa damb d'auti aliments.

Quauqu' ues des sues especialitats son: eth quefir, era crèma de chicolate ecologic, eth iogort ecologic ar estil grèc, eth hormatge fresc batut damb iogort, era crèma catalana damb poma en horn, es capricis de iogort coma eth de citron e menta o eth de mango e frutes deth bòsc, era varietat de iogorts artesanans naturaues, etc., un plaser damb majuscules e entà toti es gusti qu'ei disponible en moltes botigues d'Espanha e tanben en Portugal.

Era familia Pont a clar que sonque utilizant ingredients naturaues e en tot deishar qu'es sues vaques frisonas (un tipe de raça bovina) pèishen en libertat pòden arténher eth sabor tan caracteristic de cada un des sòns iogorts e hormatges.

Artesania, innovacion, creativitat e naturalitat constituïssen eth còr deth Pastoret e era airina damb era que vòlen continuar treballant e artenhent naua rèptes.

Se vòs mès informacion sus Pastoret, consulta era plana web: <https://pastoret.com/>





## VOCABULARI E EXPRESSIONS

**Excedent:** sobrant.

**Mató:** colat, massa blanca e boderada que resulte dera coagulacion dera part caseosa dera làit.

**Quefir:** era paraula quefir procedís d'ua expression orientau que vò díder "senter-se ben", ei un des productes lactics mès antics que se coneishen. Se tracte d'ua beguda fermentada, composada per un probiotic que consèrve totes es propietats dera làit. (Definicion de Pastoret).

## SINONIMS

**Demanda:** crida.

**Extraordinari:** magnific, excellent.

## ① AUEM CURIOSITAT

1. Es productes leitèrs son de besonh tà ua dieta equilibrada. Quini auti productes saludosi auríem de consumir a diari?

.....

2. Era vaca ei un animau mamifèr. Quines autes classificacions d'animaus i a segons era sua reproduccion? Escriu-les e explica-les brèument.

.....

3. Cres que sonque damb ua bona idea se pòt engegar un negòci? Quines autes causes considères imprescindibles?

.....

4. Sabes qué ei un blòg? T'agradarie auer-ne un e poder escriuer sus aquerò que t'apassione?

.....